

**Projekat CEB II – “Zatvaranje kolektivnih centara i alternativnih smještaja pružanjem javnih stambenih rješenja - LD 1789 (2013)” koje implementira PIU FBiH**

Broj: 04-36-1-2053-1788/13

Datum: 29.06.2021. godine

Na osnovu člana 69. stav (2) tačka e) i člana 70. stav (1), (4) i (6) Zakona o javnim nabavkama („Službeni glasnik BiH” broj: 39/14), federalni ministar *d o n o s i* :

## **O D L U K U** **O PONIŠTENJU POSTUPKA JAVNE NABAVKE**

### **Član 1.**

Poništava se postupak javne nabavke izvođenje građevinskih radova na izgradnji dva višestambena objekta u Gradu Bihaću (38 stambenih jedinica), u okviru Projekta CEB II “Zatvaranje kolektivnih centara i alternativnih smještaja putem javnih stambenih rješenja” - Pod-projekat 007 CON, na osnovu člana 69. stav (2) tačka e), Zakona o javnim nabavkama („Službeni glasnik BiH” broj:39/14).

### **Član 2.**

Odluka Stupa na snagu danom donošenja i objavit će se na web-stranici Ugovornog organa ([www.fmroi.gov.ba](http://www.fmroi.gov.ba)) istovremeno s upućivanjem iste ponudačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH” broj:39/14).

## **O b r a z l o ž e n j e**

Postupak javne nabavke za izvođenje građevinskih radova na izgradnji dva višestambena objekta u Gradu Bihaću (38 stambenih jedinica), u okviru Projekta CEB II “Zatvaranje kolektivnih centara i alternativnih smještaja putem javnih stambenih rješenja” - Pod-projekat 007 CON, u okviru Projekta CEB II, koji implementira PIU FBiH, pokrenut je Odlukom o pokretanju postupka javne nabavke, broj: 04-36-1-2053-1754-1/13 od 27.04.2021. godine.

Javna nabavka je planirana u Anexu Plana javnih nabavki za 2021. godinu, za projekat CEB II-PIU FBiH, koji je objavljen na web stranici Ugovornog organa ([www.fmroi.gov.ba](http://www.fmroi.gov.ba)) u skladu sa članom 17. Zakona o javnim nabavkama („Službeni glasnik BiH” broj:39/14). Javna nabavka je sprovedena Otvorenim postupkom u skladu sa Zakonom o javnim nabavkama („Službeni glasnik BiH”, broj: 39/14).

Obavještenje o nabavci broj: 668-1-3-24-3-65/21 od 27.04.2021. godine, je objavljeno na Portalu javnih nabavki ([www.ejn.gov.ba](http://www.ejn.gov.ba)).

Komisija za javnu nabavku imenovana je Rješenjem Ugovornog organa, broj: 04-36-1-2053-1754-2/13 od 27.04.2021. godine. Komisija za javnu nabavku dostavila je Zapisnik o pregledu i ocjeni ponuda odgovornoj osobi Ugovornog organa, kao i Preporuku o poništenju postupka javne nabavke.

U Zapisniku o pregledu i ocjeni ponuda utvrđeno je da je Komisija u skladu sa Zakonom, blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik, u kojem je utvrđeno slijedeće:

- U tabeli br. 1, u skladu sa provedenim postupkom iz člana 1. ove Odluke, svoje ponude dostavili su slijedeći ponuđači:

RB	Naziv i sjedište ponuđača	Datum i vrijeme zaprimanja ponude	Ukupna cijena ponude u KM (bez PDV-a)	Popust na cijenu ponude u KM (bez PDV-a)	Ukupna cijena ponude sa popustom u KM (bez PDV-a)
1.	„ Braća Mičić“ d.o.o. Modriča	02.06.2021. godine u 09:20h	2.994.743,21 KM	0%	2.994.743,21 KM

Konstatovano je:

- da su ukupno dostavljena 1 (jedna) ponuda,
- da su blagovremeno zaprimljena 1 (jedna) ponuda,
- da nije bilo neblagovremeno zaprimljenih ponuda i
- da sve blagovremeno dostavljene ponude u postupku nabavke ispunjavaju formalno - pravne uslove u skladu sa Zakonom o javnim nabavkama i odredbama tenderske dokumentacije Ugovornog organa.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda u skladu sa Zakonom o javnim nabavkama („Službeni glasnik BiH” broj:39/14) i kriterijima iz tenderske dokumentacije.

Svi članovi Komisije sa pravom glasa koristili su tabelu za tehničku evaluaciju, kako bi procijenili ispunjenost tehničkih uslova propisanih tenderskom dokumentacijom u okviru ponuda koje ispunjavaju formalne uslove.

U procesu tehničke evaluacije ponuda, a na osnovu uslova i zahtjeva iz tenderske dokumentacije vezanih za oblik, sadržaj i potpunost ponude, ustanovljeno je ponuda ponuđača „ Braća Mičić“ d.o.o. Modriča ispunjava uslove date u tenderskoj dokumentaciji.

Komisija je konstatovala da je za predmetnu nabavku dostavljena jedna ponuda te se neće provoditi e-aukcija.

Nakon pregleda dostavljene ponude utvrđeno je da ukupna cijena ponude iznosi **2.994.743,21 KM bez PDV-a**, koja znatno prelazi procijenjenu vrijednost nabavke koja iznosi **2.300.000,00 KM bez PDV-a**, te se Komisija obratila Ugovornom organu dopisom broj: 04-36-1-2053-1773-1/13, za mogućnost obezbjeđenja dodatnih sredstava za predmetnu nabavku.

Projekt menadžer je uputio Komisiji za javnu nabavku dopis broj: 04-36-1-2053-1773-2/13 od 02.06.2021. godine u kojem je navedeno da je nakon izvršene analize utvrđeno da je Ugovorni organ već iskoristio raspoloživa nepredviđena sredstva pri objavi tendera za izvođenje radova za Otvoreni postupak javne nabavke te shodno navedenom, obavještavaju Komisiju za javne nabavke da Ugovorni organ u ovom trenutku **nije u mogućnosti osigurati** dodatnih **694.743,21 KM** za zaključivanje Ugovora.

Uzimajući u obzir naprijed navedeno, primjenom člana 69. stav (2) tačka e) Zakona o javnim nabavkama („Službeni glasnik BiH” broj: 39/14), odlučeno je kao u članu I. ove Odluke.

#### **POUKA O PRAVNOM LIJEKU:**

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

MINISTAR

dr.sci. Edin Ramić

Dostaviti:

- Svim učesnicima u postupku
- Web stranica Ministarstva
- Radna grupa za javne nabavke Projekta CEB II
- a/a